

平遠州續志

第六冊

藝文 下

序 銘 跋

示 啟 說

詩 雜記

鳳西書院膏火賓興序

張鈞

利在一人與利在人人其廣狹何如也利在一世
與利在世世其久暫又何如也一人爲人人之利
一人爲世世之利且合眾人之利而爲一事之利
合眾人之利而爲數事之利並合數事之利而適
成爲一事之利其廣可知其久更可知矣美哉洋
洋乎吾平書院之事之盛已自

國朝康熙三年平水西改土歸流學始立焉其時披
荆斬棘諸凡草創良有司方盡心於溝洫訟獄之

不暇而禮教之地尙畧而未詳也夫十步之澤必有芳草數十年沐浴

聖化而赴瓊林入詞垣者亦頗有其人矧其爲名師友之所化導賢司牧之所獎勵者哉乾隆初霖邨刺史始創爲平陽書院延名師以明其道捐膏火以勵其材祀宋周程張楊游羅李朱九賢焉所以然者書院育材地講聖賢之學宜學聖賢之學也胡敬齋之言曰科舉之學壞人材非科舉之壞也第知科舉之學之壞也三代而下昌黎韓子濂溪周

子二程伯子叔子紫陽朱子其進身皆由於科目
而或登於堂或入其室要皆以聖賢之學副科目
之選者也霖邨其亦得此意乎自是厥後捐俸勸
輸置田爲膏火計者則有若柳洲刺史設條約立
課程更平陽書院曰鳳西課士之功較昔加倍則
有若宿航刺史蓋刺史以名進士蒞吾平其曲成
之心切故其措置較多亦幾幾乎盛矣然而猶未
極其盛也道光丙午石民刺史憫書院之荒蕪勸
輸一萬餘金葺而新之置穀四百餘石以課士又

平遠縣志 卷之八
修志乘設試資凡昔之所未有者而悉備焉厥功
懋哉學者誠能體霖邨先生崇祀周程諸賢之意
石民先生培養人材之心而矢志匪懈則處爲名
儒爲聖賢衛道之任出爲良吏爲

國家有用之才固不獨弋科名登仕版爲宗族鄉黨
榮也夫立志聖賢者讀書之實功也振興人文者
操治之切務也莫爲之前雖美弗彰莫爲之後雖
盛弗繼前如鐵梅刺史之賓興卷田親供冊本後
如竹樓刺史之義學公車田出貢資皆足與書院

試資數端同臻美備並傳於不朽故其捐輸條規
附載於末俾後之覽者觀感興起知非一人一世
之功也豈徒曰小補云爾哉

傅公碑序

傅 桐

公印作霖號雨田蜀之璧山縣人剛直寡欲勇於
爲善同治十年辛未四月署平遠州吏目事俗好
廳訟原告往往得直顛倒是非善良苦之公以理
訟非職一洗從前陋習導之以善刁風息而民賴
以安城中舊設義學以經費支絀教難其人公捐

置良田谷租二十大石以資修脯又倡刻小學一書以正蒙養咸謂堂上禹門公多善政尤重育才堂下能踵而增之亦屬員中之矯矯者也使久於佐治地方當更有裨益惜甫期年遂解組去邑人感之爰紀其事以垂不朽云

節孝安孺人趙氏壽序

諶煥模

天地有正氣日星河獄所以昭垂萬古而歷劫不朽者此也人得之爲忠臣爲孝子爲義士而其鍾於婦人女子者則莫如節我

國家風化惟休在旌節孝人或謂節必兼以孝而孝乃全不知節能勝以義而節彌光易曰節亨苦節不可貞節固未有不苦者然第以淒涼寂寞爲苦矢志靡他爲義而非艱難備受險阻親嘗卒能爲人所不能爲任人所不能任保全於覆巢之下者猶未見其節之非易易而所關者尤大也如安母趙孺人之苦節也可謂能勝以義非獨尋常節孝之謂也孺人生長省闕曷見繁華未常知鄉愚之窮也未常睹跋涉之艱也其來歸安君也年僅十六坐

擁倉箱更未知操作之勞也更未識饑寒之迫也
無何情虛玉府蟾圓未屆九秋夢冷青閨鵲寡方
零廿歲斯亦已矣而乃茫茫劫運迭起烽烟累累
人家頻轉溝壑一炬焦土萬井蓬蒿饑饉連年豺
狼滿地當是時也母也青年子也黃髮流離瑣尾
偃偃何之所謂孤苦零丁相倚爲命雖以丈夫當
之爲力豈易而不圖孺人之處常既有度處變復
有方卒能轉禍爲福以有今日也憶當日者以世
變之迭出也虎狼外噬猶可逃也鷹鷂內逼不可

測也避而遠之不激不隨蓋於重圍高壘之外獨
擇斗大之平城越信宿而移居者十有餘年而患
胥消於無形其識微見遠之故不智而能若是乎
以田園之荒廢也籌牛種廣招徠時厯補助克勤
克儉外不吝而內不奢蓋於數百里相距之遙聯
絡人心以資墾種而已無不給人無不洽謂不仁
而能之乎且以教子之有方也雖在逃亡不廢詩
書雖處窮乏不惜經費爲之延師課讀不以家計
累其身不以逸居損其志安生亦能體母志奮勉

雲程果於辛巳歲試補弟子員義方之訓貽謀之
遠謂非賢而有才者能爲之乎厥後幸屆時清復
我邦土經營家政百廢具興迄今榮華日上氣象
蒸蒸前之一片瓦礫者依然鳥革翬飛矣前之四
野荒蕪者依然繡壤雲屯矣前之室如懸罄者依
然櫛比墉崇矣蓋濟時艱於罔替復先業於就湮
卒使危而復安家聲克振是其節之保全者承先
啟後大義彌昭而非獨尋常苦節之謂也且夫豐
亨者淫佚所由習也困苦者堅貞所由渝也至於造

次顛沛鮮有不束手無策而一蹶難振者也若夫
富貴不能淫貧賤不能移威武不能屈此孟子所
謂大丈夫者求之鬚眉且難其人何況巾幗茲孺
人似之始所謂巾幗而鬚眉者耶夫由前言之節
則未有不苦者由後言之節尤未有不亨者安氏
水西氏族代爲

國家守土捍禦之功累書竹帛可謂忠矣積功累行可
謂孝矣今孺人又以節義繼之昌大何極安生勉
乎哉異日者易繫觀光疊音恩榮之誥詩歌壽母

重興倉聖祠序
從遊有年悉其家世爰樂爲纂紀其畧載之簡編
以垂不朽是爲序

重興倉聖祠惜字會序

黃紹先

上古結繩而治自倉聖有書契之作而後萬世啟
文明然賴之者愈多即褻之者愈眾或塗塞窗竇
或投溷污泥固不僅祖龍一炬爲文字厄也余嘗
心焉悼之前需次省垣時曾捐廉倡爲文昌惜字
會並得同寅資助獲金若干因交商生息議定規

條事甫竣余卽奉憲檄飭赴本任暇日與州人士
相接詢及惜字之舉僉云平陽向有舊會因兵燹
以來此事遂廢蓋公款之虛糜久矣今年春季二
十七日爲 倉聖會余拈香至祠適王應祖謹創
模朱紹陽謹金壽諸君等在座談論閒商及惜字
舊會欲卽此地而振興之諸君咸稱善爰請序於
予願廣爲勸捐以襄厥成予因慨夫世之人自束
髮受書於先聖所造之字每棄如弁髦而於修神
殿塑佛堂往往極土木之巧侈金碧之觀倡之者

一和之者累百盈千甚至蕩中人之產而不惜大
抵惑於二氏果報之說冀邀福於冥漠耳夫以施
求報儒者不爲而作善降祥

天道實有自然之理歷觀當世記傳所載其由惜字而
子孫致身青雲者指不勝屈亦誰謂

彼蒼之有負善人耶予因捐廉囑王應祖諸君董其事
所願州之人集腋成裘襄成善舉庶篆草隸真以
及僦侏侏僑之製佉臺靈寶之章其委諸溝中者
雖隻字片書拾之不啻珍同拱璧吾知 倉聖有

靈較二氏之默佑更捷如桴鼓而此邦人文蔚起
其登虎榜而入鳳池者必更甚於今日矣是則余
之所厚望也夫

丁文誠公墓志銘

閻敬銘

同治七年春捻匪張總愚擁逆數萬自晉而豫漸
犯畿疆北蹂定州歙及保定勢且燎原去 禁犖

僅二百里 朝廷震動至遣宿衛之旅出 國門

備寇當是時有越境聞警炳燭會軍僚號所部騎
伍兼郵入援一日夜數百里猝出賊前轉戰雄任

深祁高肅之交復饒陽城控惚之際其他將帥多
得詰讓而一軍北上首先奮勇勇往迅速保衛近
畿之裒不絕於驛 詔凡七下聲赫中外則山東

巡撫丁公也八年秋有樓船銜尾自潞津來沂運
河南下旗繒殊異侶倂都甚力人健師歌兒浮屠
詭處其間奪觀駭聞嘶呼佚揚所經爲之下無敢
發者蓋安得海以太監稱有密遣而山東巡撫執
而鞫之謂大臣未聞有命汝曹私出制令所無必
詐無疑奏言置於法亦丁公也公諱寶楨字穉璜

貴州平遠州人曾祖考公俊生員祖考必榮四川
昭化縣知縣考世蔡鎮遠府訓導祀鄉賢以公
封皆光祿大夫曾祖妣李祖妣黃妣諶魏皆一品
夫人鄉賢四子公第三魏夫人出少能文有操略
道光二十三年舉於鄉咸豐三年成進士改庶吉
士會母喪里居遵義楊澇洗造亂蔓平遠公起毀
家練鄉兵眾始難之公曰賊至家豈吾有耶募壯
士出奇計戰漸及遠澇洗平當事奏留公黔軍給
其儲 朝廷嘉公行間除編修異數也公之能軍

自此始既簡湖南岳州府知府遣所練待餉金十
餘萬籌者以爲憂公取五百集而謂之曰遭時變
亂累父老子弟協力捍閭里恍惚十年死者已矣
予與諸君幸無恙今被命將行庫饋不給其何
以爲情視諸君徒手歸則皆泣下曰公破家急難
吾眾亦以義起必有求乎公行矣公亦泣下即日
而別蓋供億之少解技之易軍興以來未嘗有也
抵岳州粵賊石達開方寇楚而陳玉成由金陵上
竄鄂渚南岸州縣盡陷賊岳不守者四公至以死

誓方略堅密民悉返城以完越歲爲同治元年調
長沙嘗值客軍數千將不在鼓噪來公請於大府
貸發三萬金斬其倡五人頃刻而定擢山東按
察使晉布政使躋巡撫始至東用兵者六年善恤
將士能推有功賊往來剽忽公乃卷甲窮驅人樂
爲之急又銳於乘勢不主畫疆自守而與跨壤諸
運帥相攻戮力其後諸軍會聚先後殲羣賊任柱
賴文洸張總愚等逆首悉平皆於山東中原肅清
暇嘗東登蓬萊歎息而返於是盡整吏治礪僚屬

務持大體不爲刻鏤而器量恢豁廉剛有威苟遇
曖冗之夫猥緩之政則必痛摘深剔事之所繫在
國與民則必行其志而後已黃河入東其始決侯
家林及賈莊也東南幾爲澤國羣工集議莫敢當
公慨焉自請植立沙干冰雪中費不半原估卒以
集事撫東且十年吏治稱於天下光緒二年擢四
川總督公在東久故視蜀中百務皆窳墮嶄然設
施人不能堪謗至京師 朝廷知公深不爲勸公
得畢其力無鉅細必舉復都江故堤還民田數十

萬畝裁減夫馬民困大蘇川鹽久敝利官 國

家歲失成利百餘萬公創滇邊黔邊官運法悉收
復之計自通籍至兼圻初治軍旅繼任封疆迭以
殊勞 賞孔雀翎一品冠帶 太子少保 紫禁

城騎馬 恩大寵濃功偉績張而未嘗以一好自

娛一息弛學問凡有興革不避怨嫌奏議諮牘動
數百千言不手假於人其矚然不欺其毅然不撓
其知有國而不知有身其天性然也督川亦十年
光緒十二年四月二十一日薨於位春秋六十有

七遺表

聞

九重悼惜

贈太子太保

子謚

文誠

賜祭葬祀賢良祠併建祠山東行省

朝

廷亦知公於山東朱邑之桐鄉也者初公夫人卒

黔亂不獲歸請於

朝葬山東歷城縣華山之陽

至是有

詔仍葬公於東喪之歸郊野祭弔相屬

奔者望者悲者嘆者則有述軼事者曰公始至東

忠親王方蹙淄川賊王嚮見督撫兩司不設坐公

至門謂門役

國家事坐則見不然勿通左右大

驚王聞之遽加禮焉聞者稱公并賢王也其實微

公無以成王之賢也然以余觀公生平處大事無所趨避多矣此又足道哉公娶諶夫人男子五體常山西河東道體勤直隸永平府通判體仁候選知縣體成光緒九年進士刑部陝西司主事俱嫡出勤仁成先卒體晉 恩賞郎中女子五適黃桂

蔡適陳海慶俱嫡出適吳以業未字者二孫道臣道源道津道敏俱體勤出以公故 旨均俟及歲引見公薨之次年體常等將以九月二十五日葬公於前阡而以銘幽之文不可缺也乞敬銘爲之

鳴呼余忝知公公之德不以人言克歉者也雖不
文又焉辭銘曰

萬物自柳之浮萍賢者自松之茯苓臣人自人之
列星噫嘻文誠惟公之生其氣英英惟公之沒遺
疏在闕其光烈烈川亦匪遙山亦匪高惟公之
靈驅瀾巨霄孰黔之西孰魯之比其精在天是安
其魄

新置貢田碑序

錢 壩

三代井田之設士與民皆有恒產春秋以後良法

無存故孟子曰無恒產而有恒心者唯士爲能若
既有恒產尤足以養其恒心我

聖朝崇文重士於增附生之上設有廩膳生然由廩出
貢挨次輪班率在廿年以外蓋綜計掇芹食餼之
日月而年已老矣斯時齊力旣愆舌耕亦廢諳練
者稍可支持迂拙者負難自給是青年尙叨廩祿
之榮皓首轉乏資生之計桑榆已暮老景何堪本
州熟捻此情前任普文廳時置買公莊名曰貢田
逮權篆平陽查前人諸善舉如書院義塾南北賓

興各款罔不厯臻美而無可增益惟貢田一項尙屬闕然撫斯土者久欲舉行而籌款維艱遷延未就茲有王君應奎樂善急公捐貲五百兩因得置買慕一甲大戛等處田土各幅又當慕三甲車田一幅共收租穀三十八市石作爲貢田俾出貢者於候選時有所依藉待以息衰老之力勵廉恥之志則恒產之有益於世心正自不少是舉也非敢謂加惠士林然於

國家崇文養士之意引士尚齒之風亦庶幾有合云

跋鳳西書院功德冊後

鄭訓達

從來人材之崛起也得於鍾毓者半得於培養者亦半甚矣哉書院之設尙已考州志平陽爲水西地山川清遠甲於上遊故人文亦較勝於他邑然不有名師以化導之益友以激勸之其何以成德而達材所謂玉不琢不成器者此也乾隆初始有平陽書院厥後更名鳳西百餘年來時有興廢洎道光丙午石民徐君以皖江名士來牧是邦宏獎風流慨然以課士爲己任每於論文之暇悵講堂

之將墜惜膏火之未充汲汲焉捐廉以爲之倡而
四方之樂育爲懷者羣起而襄之不數月得萬金
或作或仍以葺以治規模輪奐氣象崇新而膏火
亦以是增今之藏焉修焉息焉游焉得以羣集其
中者是誰之力歟尋擢守黃州升監司適粵匪竄
擾鏖戰捐軀都人士聞之無不感激涕零遂於院
旁隙地建祠以祀之其所以崇德而報功者意在
斯乎意在斯乎余於乙卯秋捧檄前來緬彼前型
勉爾多士宜何如修身力學以慰忠魂他日者爲

名臣爲名儒未始不自刺史培養來也至永守成
規毋荒毋怠是在司厥事者噫三年小住蒿目時
艱未暇談文良多愧負今將作別爰跋數語以誌
景仰之誠云爾

興賢義塾序

謹增模

義塾者所以端蒙養正訓俗型方也化起爲商賈
雲集之區俗尙魚鹽家無絃誦塾且難言遑云乎
義及咸豐初年先大夫陶山府君設帳此方獲
與王君禹臣澤周賢喬梓朝夕晤對談及地方

風俗非由誦詩讀書莫能蒸蒸日上 王君於是

毅然以移風易俗為己任慨出千金之產以倡其

首鄉之人尚多涉於觀望者澤周猶復家諭戶曉

再三董勸越數年來人心向化相信益深爰率諸

君鳩工庀材卜地於文閣之偏額曰桂香書院雖

規模粗備而膏火缺如厥後周君天順天偉贊張君

應鸞崇學李君定善相繼樂輸集腋成裘以襄

舉歲入租谷若干石諸生得所資助家絃戶誦氣

象為之一新洎乎甲子之役賊人一炬滿地烽烟

瑣尾流離殆十餘年無絃誦聲也肅清後王君集
三兩三周君侶萃善堂賢昆仲徙建新場復而振
興構講堂延塾師擴其規模增其產業公其樂育
十年間休養生息於是燦然大備甲戌歲 丁文

誠公奉

命回藉聞是舉極力贊美勉諸君任勞

任怨實力爲之以期久遠且云鄉場設立書院體
制未合易其額曰興賢義塾自是文風日盛丁丑
王君兩三食廩祿已郭周君侶萃登賢書其他誦
詩讀書拾芹拈藻之士尤覺不勝屈指以布帛菽

栗之區易而爲衣冠文物之地藉非急公好義者
剗之於前因時制宜者繼之於後遽易及此哉從
此薰陶涵濡行見莪莪髦士藹藹吉人游杏苑步
花磚蔚起以鳴

國家之盛不誠爲山川生色歟伏願後之鄉君子繼踵
維持以相延於勿替庶不負前人訓俗型方端蒙
養正之至意也夫是爲序

誥贈通奉大夫諡公景伊壽序

朱昌頤

國家乾符啟運華萬葉之福疇坤軸延釐開八方之壽

宇是以仙榆耀紫見丁聯四七之星蟠桃霏紅結
子紀三千之歲况復雅誥蘭畹笙磬諧音綵舞萊
階簪纓接武分得十洲瑤草圖繪恒春酌將三島
瓊膏杯名益壽鶴年永享遙符箕範之祥鸞曲學
唵竊傲麥邱之祝我景伊年伯大人派宗謨國溯
瓜瓞於筠洲宦蒞黔陽益椒蕃於羅甸仰清芬之
有自宜積善之餘慶茲矩文寔歧疑綺歲燭分匡
壁瑩聚車囊焯掌功勤羅胸業富筆花紅而夜燦
帶草碧而春芬佩馘方欣餐茶何苦林枯竹笋袖

墮蒲桃冷月萱闈倍憶熊丸之教淒風蕙帳永無
鱸鯉之歡奉三鼎而恨深枕一苫而心惻遠乎祥
琴乍輟泮藻旋馨首冠青衿宏塞絳帳桃蹊李徑
廣螳術以無方漆簡石經共鷄談而不解文先鶚
薦才定鴻鵠繼乃以卷積曹倉室懸魯磬投筆起
丈夫之歎啜菽傷孝子之心於是橘種千奴竹封
萬戶遠師端木多能屢中之風大有鳴夷三徙成
名之學然使陸離寶井惟畏人知璀璨瓊厨罕逢
賓至將毋近祖生之障籠類濬仲之持籌茲則誼

切葭孳惠周瓜葛田真續命糧只饋貧果蔭鄰家
一任園丁之撲棗袍遺故舊詎惟知己之分金雖
樊重博施義熙燔券尤難均其厚德例此宏仁者
矣至如鹿仰喬枝暉承椿樹溫衾扇枕潔膳馨殮
問安則夙夜惟勤侍疾而衣冠不解彥先紫石手
自親調石建中翊親爲泮濯莪詩遠廢戴禮能遵
加以念矩獲於高曾重本源於木水松楸樹壠魚
非登盤跋涉者歷千里而非遙肅恭者閱卅年而
無倦若茲薦孝尤邁等倫焉且夫語孝談忠者君

平高人之行也解紛排難者仲連國士之風也里
號集賢門依通德何須杓直纔平梓里之爭獲衆
太邱遂化粉鄉之俗而况慈祥其度醴粹其心張
華則志勵平生卞蘭則銘書座右羊叔子訓兒之
語首重謙恭馬伏波示姪之書惟崇敦厚既懋齊
家之法爰推愛物之仁逢季偉之烹鷄或因倒屣
戒彭鏗之斟雉肯用充庖其修善也如斯其薦行
也如彼宜乎龐眉鯢齒鴻名膺介祉之祥紫綬金
章駿德享無疆之福也年伯母王太宜人江左名

門河汾妙裔貧甘荆布友并絲桐循內則於鳴鷄
盤匱奉舅詠國風於弋雁襍佩留賓甕滿春泉機
寒冬月婦功無曠議酒食以惟寘女誠周知述詩
書而訓子撫和親於潘阮守禮法於郝鍾匪嗃嗃
以威如故振振其宜爾若乃門盈玉樹階茁金芝
名半荀龍才逾薛鳳長公既香探蟾窟叔季亦藝
炫鷄林其我葆初二兄則著協允升科高拔萃貢

陳

天府適當展驥之年職奉雲司勉報爽鳩之最既乃汗

賢書之簡香淡墨之名步瀛洲登玉署聽風鈴於
瑣苑量日線於花磚佇看天半鵬搏黃閣之經綸
大展寶由庭前鯉對青箱之詩禮親承也乃者麥
熟先秋梅黃早夏年增周甲日值降庚燦五色之
輝花封舒錦和雙聲之曲戩穀徵謠頤等謬托國
僑之深知敢傲晉卿之善頌伏願奕招橘叟脯獻
麻姑綠髮蒼顏彌註修齡於南斗懸弧設幘並添
寶錄於東華表珂里之嘉祥作

熙朝之奇瑞行見

恩隆紫禁大朱門而三戟同誇豈特地進青城酌丹井
而千椿彌健

採訪忠孝節義告示

黃紹先

採訪忠孝節義以憑表彰事照得遐陬僻壤潛德無不發之光介石貞珉

聖朝有特旌之典惟氣節常昭於日月斯俎豆宜薦以馨香查平遠山川奇秀人材蔚生慨自白號鴟張赤眉豕突郊橫戰壘虺毒潛吹野亘長烽豺牙密厲其有心存敵愾志切同仇率荷鋤之民以爲兵罄私囊之資而作饜不幸氣吞虎穴身陷蟻圍痛斷將軍之頭沙場日暗慘割常山之舌曠野天陰

朽骨堪憐幾歎蟲沙劫化荒墳無主惟聞謝豹春
啼此忠之宜表者矣又或養志壬林承歡子舍心
傷冰底寒生出水之魚淚滴竹根凍出參天之筍
刻木昭四時高祀性慕丁蘭負米習百里勤勞心
儀子路居喪盡禮不見齒者三年捧檄娛親甘折
腰於五斗此孝之宜表者矣更有青年寡鵠綺歲
離鸞愴隻影以徒存望所天而不見椎心抱痛殉
命奚難徒以白髮在堂黃口入抱瓊瑰夢破悵甘
旨之誰親玉樹姿埋印寒灰而耐冷縱使月圓三

五空悲離恨之天可憐影怯團圓欲碎合歡之扇
心堅似石志礪如金此節之宜表者矣若至桓桓
義僕矯矯義夫既慷慨以爲懷自堅貞而矢志報
主則變音吞炭不期舌底生蓮守鯁則鍊性參禪
永作泥中沾絮讐堪切齒施軍校行刺途中妻不
下堂宋司空辭婚殿上此義之宜表者矣凡茲品
概允足欽崇倘遭遺漏於當年豈聽沉淪於終古
本州情殷金諾念切玉成爲此示仰州屬紳耆軍
民人等知悉爾紳民等或蘿牽兩代夙聯姻媿於

陳朱或柳種一家更結方鄰於元白務確查其事
實毋稍徇乎恩私一一開具事蹟舉報來州以憑
造册請旌庶幾

綸綍寵褒用慰幽魂於旣徃聲光普赫益培正氣於將
來各宜懍遵是所厚望特示

勸捐啟

徐豐玉

夫樂育英才端興學校圍橋泮水國士觀成白鹿
紫琅野處不暱書院之建由來尙矣平陽山氣龍
盤民風魚雅蓬萊近日前賢旣有開必先蘭芷升

庭多士宜克昌厥後冀風流之勿替須宏獎之有
方查州書院舊建鳳西不敷經費傳經絳帳旣乏
束修之羊問字青氈莫繼饗殮之米致令觀摩徒
切類聚無常本州幸拔春華彌殷秋實爰分鶴俸
用策龍文惟樂奏九韶豈一夔之已足裘章五服
集千腋而始成願諸君共切芝培同敦梓誼抗心
希古永傳夫禮樂詩書有志斯文何分於士農工
賈至捐輸成例詳請褒榮或秩署頭銜或名標綽
楔觀高鷓鴣卜他年健翮風生山著鳳凰期此日

吉光雲集各宜金諾其體玉成特啟

守備說

謹顯模

平邑爲古比喇地

國朝建治以來垂三百年凡軍興者三矣然康熙羅漢
之變赤子弄兵耳嘉慶苗匪之擾螳臂當車耳洎
咸同間全省沸騰郡邑不守者蓋十之七八邑以
偏隅僻處地瘠民貧髮苗號教之往來不下數十
萬其受饑寒之迭繼幾於二十年灰燼房廬荆榛
田土塗炭人民嗷嗷乎如斗孤城卒以垂危而安
者雖曰天眷豈非人事哉竊以其時之竭智盡力

以懷保無虞者有四善焉方賊勢之猖獗也數據
 險為長久計春耕秋獲至冬始大出竄擾方其時
 晝短宵長雪沒雉堞幾盈尺貧民啼飢號寒忍死
 相守機亦危矣哉而自都督刺史下皆着釘齒屨
 環城走諭道相屬也故貧者無違心異詞歲將終
 局紳逐戶按驗凡有穀者僅足其家食餘悉出為
 公積先除夕册貧戶計口授一月糧常則日給米
 膏餉粥故貧者無內顧外志此用情之公其善一
 也城之圍禡首內應蓋練匪楊有才嘗隨征茲土

多所交結當事慮之始設中團爲糾察不三晝夜
而悉獲按之皆罪人遊勇也盡伏誅中團者合城
申丁壯計一堞口二人遞守足其數以餘丁充之
凡衢巷交匯處設爲柵各界其附近之人坐守於

寄皆與焉家不留一男丁晝則聚而習技宵則

隊輪巡稽察嚴密是法行則鄰里火相望聲相

雖不若究不能備倭境而售其術密習者

釀其禍內禦緝盜者見其嚴整精銳

兵之法焉謂賊之不敢乘我之不虞非羣

也爲雲梯爲滾竿爲飛牆備稍疎則越城如鳥墮
至壁間矣然雖得志不遽進也懼後援不繼遊
底耳乃沿城火其櫺而大呼上下羣相和曰打
聲冀驚城也其時守者潰則無人之境四方皆可
入居者走則揖盜之門五關皆可斬賊然後養
而又焉使當大呼時有禦之者則尤愈於巷戰
巷戰則勝難言全城壁戰而勝賊猶未見民屋
故卽中國爲應援之軍於五城樓分設鐘鼓號
烽五具有事則五城七百餘揀守者不得輕動

責中團如號起應視敵所分左右隊由陴道迎敵
城上寬不盈五尺併二矛而行則賊逃遁無隙合
兩面夾攻則賊進退維谷不得已仍由所來而去
而又木石鎗礮下隨之生者鮮矣蓋城守之道莫
要於靜若是則城上知有可恃不致倉皇擅離其
守以干軍法卽有聲東擊西數門並進之譎亦無
益矣此立法之備其善二也賊有鑿地道者藉一
屋或一牆喧金鼓於其中以淆城上耳目而陰使
其徒穿城根而洞之道成以棺實火藥其中縫布

橐爲引綫延及道口燃其綫而漸至棺槨發則城陷乃乘亂自陷口入策將成城中覺之先以竹木器築土沿地道爲內城蓋防城陷不及救則退保內城亦陷猶不陷也復由內而外審地道所向方淺深稍左其道而鑿孔以投之約至道所穴其傍以空罈塞焉露口使瞽者聽之則登登然也知其所在則於外城根穿穴而下及棺槨則灌水以浸之棺槨皆溼火之而不燃賊計窮矣此審機之微其善三也邑包山水爲城北門小東門之間則有

龜山小東門大東門之間則有雙堰塘西門北門
之間則有玉屏山二嶺岡積年攻襲而賊之梯城
越陴不出其地者何也是間地勢高深民居寥落
故編守皆自下而上由遠而近人情避勞而就逸
圖安則忘危雖有差派保其在在無疎乎賊習往
來窺探知其虛而乘之矣貽悞之由覺而警之團
丁之外添設營兵民壯紳弁督飭無懈可擊城防
永固矣此相地之宜其善四也是役也邦之人以
劊甚而力憊亦以心苦而智生而其不憚於難不

平遠州志 卷之八
懈於久不忽於微忠孝之忱可謂至矣是以寤之所極天啟其衷好生大德固不樂人之疎以貽禍也爰卽管見以爲之說後之君子審覽而變通之城守不無小補云

種桑說

諶厚銓

昔太公封齊地濱海民資太公通魚鹽之利而國以富強江浙亦瀉鹵之區白香山疏五湖之利而民以富饒地利物宜之未興天將以有待也平陽多山與遵義等若能樹桑養蠶其利豈可勝言爲

良吏者令有罪之人罰種若干以免其罪庶民之家有山不種者罰爲官山如此不過十年則桑麻在望民庶有濟乎

防守述要

黃承宣

甲子苗逆猖獗全黔蹂躪上游保全者府則遵義安順縣則畢節州則平遠而已然他處之不陷者或恃重兵或因富庶惟平遠地瘠民窮內無糧餉外無救兵彈丸孤城危若壘卵而亦幸免於禍者非有人維持其間何以能此哉先大父葆光公躬

親局務宏濟時艱守禦良法猶堪約舉一曰守陴
肅靜平遠自隸版圖承平日久民不知兵偶有告
警則驚惶喧嘩上半夜多戒嚴下半夜則酣睡矣
髮逆過境周鎮軍學桂督師追勦見平守備無方
乃邀先大父授方畧且曰守城之道貴肅靜不宜
倉皇免賊窺我虛實賊即登陴但能靜鎮指揮亦
無妨碍宜急改前習免致悞事厥後花苗黑苗圍
攻數載梯城而上十有一次而幸賴以保全者皆
鎮軍指授之力也一日中團周密平城垛口七百

有餘每戶出一丁守堞餘在家擇本街之要隘集
精壯餘丁爲中團利兵器備燈火無事則清查烟
戶不許容留面生歹人有警則分半赴援殺賊半
札隘口防內奸賊雖上城守者知有策應不致奔
走內匪雖有詭謀不能竊發者職此故也而其最
要者則曰貧丁口糧平民素貧苦家無隔宿糧者
十有七八城門一閉半多束手待斃目睹心傷先
大父乃商諸同事暨城中富室無有應者自念貧
富離心城何能守家無斗石之蓄慷慨捐銀肆拾

金買苞谷伍石發柴上貧丁口糧一時好義者竭力捐助慳吝者搜括所藏貧民資以糊口守禦之心益堅矣是役也十餘萬之賊兵三四年之守備先大父一生之精神實憊於此宜幸際昇平全黔肅清孤城無恙回意執戈侍衛晝夜登陴時已不勝今昔之感謹將前人所布置可爲後世之法程若不揣謏陋敬述簡末後之覽者亦將有取於斯文

勸種桑說

黃紹先

夫利窮於時所宜妙變通之權也利準乎義所以
杜憂患之萌也平邑水稻山糧其利相半旱則山
糧減而水稻增潦則水稻惡而山糧美農人習以
爲常固無庸擬議矣而求衣之道則今異於古焉
邑故資利於綿從無不業之婦巧而力者織拙而
弱者紡諺云一織四紡蓋紡多而織少也邇者隣
境以洋紗來售價廉而物美機器所成也織者便
之由諺之說業紡者十居其八一旦奪其業而使

之坐食焉吾民何以不貧乎蚤夜思之綿販於他
郡人猶倚之桑則吾土之宜也而不之種豈有所
難於桑耶不習其事不知其美耳夫一樹之植不
出三年永享其益不勞耕穫也提籠采葉滿箔眠
蠶婦孺可爲不煩丁壯也播種以後分秧以前一
月之功不妨農時也爲力少而成功速如此以繅
絲則立資其用以爲帛則致遠通商生財大道豈
特濟紡之窮已哉况鴉片之毒流於中華久矣吸
而甘之求其種而又宜平之土性爭爲之以代小

春蓋幾於無菽麥油菜矣溺其小利而未思其大患也嘗見沃土之民以烟爲業歲中得利一戶多至百餘金其家亦取携甚便輒謂人猶以粟易之吾固取諸宮中亦何慮而不樂此家人婦子尤而效之至於力倦神疲不能執鋤耒昔之貨於人者今又轉而求諸人禍福之倚伏其至微矣則勿論其害人也而自害已甚予爲計之煙必膏腴之土桑則隨地可爲煙有雨雹之災桑則閉戶而成然則盍易其工而飼蠶乎蓋桑者天地自然之利不

必至巧極之細弱可與知無藉於財雖在貧乏可
以能本乎道而反乎機者也伊古人者豈不知機
之巧於謀利哉有機械者必有機事利專於巧則
力無用利成於器則人無用遊惰無業其禍有不
可勝言者而洋紗其小焉者也且夫爰求柔桑爲
公子裳忠之道也墻下樹之五十衣帛孝之道也
計不出此而爲是傷財耗力之舉迫乎力不足以
給食則有爲者將有分外之圖無能者更難安守
其拙勢不至相率而敗常亂俗不止也弭害不暇

何云利哉黔省軍興民財已盡培養元氣非桑不
能爲功粵稽拓土三百年惟播州一郡以其利致
富天或者欲蓄其精華以爲今日之補救哉余心
切久之每商其術於邑之父老適 中丞潘公檄

至尤殷殷然以勸民種桑爲急務更詳考樹植養
蠶諸法剗闕而通行之仰見 大吏幾務倥偬利

民之事猶無日而忘之况余親民之官有不思所
以遂其生者耶爰爲是說使吾民信受而奉行之
庶幾並受其福而相時度義之方亦或可以濟窮

平遠州志 卷之八
而遠害歟

跋書種桑說後

陳壽昌

古者治民農桑並重農固已桑則無聞焉大雅云
婦無公事休其蠶織諺有云一婦不蠶寒則隨之
其致警深也我平素敦儉勤尚鮮惰食婦多紡綿
爲業近日洋紗盛行紡者殆將束手矣適

越生公祖以循良世胄來牧此邦覩民生之艱苦
曠土之蕭條慨然者久之年來政通人和廢墜畢
舉思開利源惟桑爲便作種桑說噫 公之爲民

裕衣食計者何深且遠也夫小民難與慮始樂於
圖成願我同人實力舉行不合他郡得專其利可
擇緣城隙地植焉蠶焉先爲之倡俾民知利可倍
獲則由近及遠不難葉蔭如雲繅聲若雨轉瘠苦
爲豐亨庶公之說不致僅存抑余之所深幸也
夫

空洞說

諶顯模

夫趨易避難者情也舍易爲難者勢也勢有所難則不得畏其難而惟思所以濟其難是又不可任情而昧勢者也平邑萬山叢邃奇險天成表裏空洞皆安氏昔年巢穴今父老猶能言之故避兵者常因其舊然自軍興以來僨事者十之八九論者難之謂不若規倣干城之畫善見誠遑矣不知四境距城百餘里承平日久民不知兵未能因塲寨爲營先事而備併有三五成村望塲寨而不可及

者變生倉猝舍壘洞其安往哉然則不可不善其
謀也今卽洞之宜備者先陳其畧一曰求水賊攻
洞時甫設長圍先斷汲道採洞者當求有平淺可
汲陰河或泉之經冬不涸者無則舍之卽有盡美
且便外此無他求而井養獨窮者則必計人數多
寡築池塘需足數月水而後已其法以楊桃藤浸
水合石灰黃土築削堅實養河魚數頭令活潑不
腐以河沙布底則清而甘設空塘備挹注以時淘
淨若是則有事可無虞不然一日無水人心惶惶

多所貽誤眾情難一不待渴極而始斃也二曰避
火賊相洞勢可薰多積柴草入以辛辣之物人得
煙而踣聽所爲矣惟中有水道及多竅窾者則洞
不納火又洞口上唇宜長而覆下其缺陷者賊自
山頂擲火下至墻壁守者受傷而退煙焰熨而賊
隨攻之二者皆不可居也三曰度地洞之懸絕或
猿援蛇伏或棧度繩登謂一夫當關我能往寇不
能往矣然一人可禦之地卽一賊可搯之地是在
因地制宜以設防其勢不一定也而尤逼者莫若

對山與洞相準鎗礮直達其中塙丁不能立賊乃
乘虛而上洞中束手就擒矣斯更當早爲之地者
也四曰封洞洞處低窰口在平地賊敢近不敢下
若無害矣而架木博土以封之其中寬而罅漏者
惟靜候亂平鄰居啓救其狹隘者不經一晝夜氣
阻而絕是尤不可近者矣堊無三者之患惟備水
則與洞無殊且雖多構築守望諸勞費而高燥無
溼痺之疾陽明無陰邪之祟通達有出入之徑洞
不如也然堊視洞較易而視城則較難惟里中有

識微見遠者視吾塲市村莊無相逼之山有廣源
之水築爲營堡高壁深池聚眾以居常則可禦偷
竊亂則以保身家則器用不遷徙牲畜不散亡田
疇不寫遠靜以制動斯變而亦如常矣徐關之木
柵松林之石圍始終完善可爲法也要之地利不
如人和孟氏一言可慨誠使忠義堅剛眾志成城
雖藩籬可守若貧富離心以啟內患利害各計以
召外奸甚或寡識無勇俯首乞降是誠自貽伊戚
矣故曰遇難不可畏難宜相機以應之如能就地

經營悉倣城池之式則又一難而永易也



平遠州續志卷之八

詩

抵平遠有感

五古

黃元治

蠢茲苗蠻鄉結砦彌山谷刀弩不離身殺人如刈
穀有明三百年弄兵屠貴筑憑險恣鴟張王師翻
敗衄養癰迨於今一朝潰其腹安氏烏在哉濟火
無遺族山川隸版圖建郡設民牧衙署覆以茅垣
墉編以竹城中虎豹遊堂上鷄豚宿表裏洞重門
冰霜照幽獨寄語諸苗蠻誰非赤子育靈頑均一

平遙州志卷之八
視疑畏復何蓄

由鳳凰山至熊家場

五古

鳳山高在天直上三十里我馬如鳥飛凌巔不移
晷搔首問鳳凰羣鴉翕集此林木蔽天幽虎豹分
投止戍壘畫角吹西風颯然起陰森不可留前途
復爾爾逶迤數十盤回望路如咫忽逢石洞穿斜
陽射其裏村酒欲留連僕夫去如矢危坡當馬胸
暮雲隨馬趾安知前有邨鷄聲動余喜人烟三五
家溪山繞窻几却怪山腹虜吞噬一溪水

東山寺

最愛秦僧樸開山此挂瓢烹茶分洞口種竹護巖
腰鉢懶城中託香勤殿上燒朝朝鐘磬下清響喚
蠻苗

自熊家塲曉發至定南

侵曉沿溪發寄嶽仄逕懸水聲轟石縫霧氣壓巖
巔馬慣登危嶺人頻倚半天忽逢開霽色午度沓
河船

贈平遠孫茲菴使君二章

宦途到處有餘清
儒者風流昔用兵
可識九重承

特旨曾經百戰捍孤城
玉麟符下蠶
關畫隼
旗飛瘴雨

晴怪得水西
天乍暖
隨車春
一轉遷鶯

鴛足前驅綠
箐叢卑棲
真與
拙鳩同
維桑自許垂

嘉蔭
偃草何能佐
下風和到
吻春慚
郢客擲將金

石謝興公更隨五馬登
臨處
尺龍潭映碧空

平遠田家
孫 奏

田家何所事
終日在耕桑
朝謀瓜果實
夕餐禾稻

香蟲聲
曉晴雨
草色分陰陽
婦子勞筐筥
主伯慰

壺漿共賴明昭賜，穎粟已登場。租稅詎容緩，負戴輸官倉。昨聞胥吏過，無復擾蠻鄉。

平遠道中

孫 奏

捧檄來邊地，單車獨遠征。羊腸擁茂草，馬首託荒城。嶺隔山雲斷，烟昏驛樹平。清貧吾有素，特此憫蒼生。

平陽道中

劉 惇

一路經行鳥道斜，雲烟迷日少人家。可憐平地多荒草，惟有青山媚野花。

東山寺

劉玉泉

昔愛東山好今來莽棘榛
綠苔生壁舊青草揜階
新寺寂僧無事爐寒佛有塵
蕭蕭香積地冷落幾
經春

前題

王之鄰

竟日山扉靜閒情月挂瓢
僧居孤洞口寺結半山
腰飯已胡麻熟茶將松子燒
晨昏清磬下直此悟
心苗

遊東山作

詹彬

比喇諸峰多巖突惟有東山號奇絕雲靉隸兮樹
離奇石谿徬兮徑幽折左顧巖泉起玉龍右瞰壑
光映金闕當前城擁萬家烟背後洞凝三伏
構層樓在半空疏櫺曲檻何玲瓏我來放眼一
遍矚時維三月春光濃綠烟紅雨劇烘染蝶板鶯歌
相依從谷風習習吹我衣披襟當之殊融融此境
歷來誰賞識別駕黃公推第一曾聞著屐幾回登
留得新詩在禪室憑欄展卷恣吟哦允與參軍同
俊逸欲和陽春讓未遑香厨徙倚勤吮筆忽焉寧

上起鐘聲夕陽影裏萬峰明紛紛歸鳥鬧林塢半
規新月來依人雅愛此時好風景欲行未行有餘
情賦就一詩歸去晚家家燈火明江城

醒睡亭

劉惇

醒睡亭前立畫屏公餘閒步聽流鶯興酣把酒諮
民社不愧浮生無所營

雙潭對鏡

劉惇

十畝橫塘水寒光映碧山雲開月淨夜恍惚玉蓮
環

三石連標

劉惇

峻嶒屹立接三台，五色雲根連理栽。
漢使不須浮碧海，此中便是小蓬萊。

重宴鹿鳴紀

恩 七律四首

譔克慎

太平年喜歷三朝，甲子渾忘歲月銷。
叨祿昔曾糜印綬，退耕今已伴漁樵。
駑駘幾閱風霜古，蒲柳偏沾雨露饒。
九十幸追榮啟樂，長同擊壤詠

虞韶

觀光早聽鹿鳴來，竿濫空慚奪錦才。
山裏忽驚鶻花

甲過榜頭又看蕊珠開舊粧猶記常塗抹新樣應
須別剪裁前度題名餘一老任他年少笑衰頹
重熙文治化彌醕嘉惠誰遺草莽臣敢以功名誇梓里
猥將姓字達

楓宸

殊恩幸得陪榮宴薄德多慙廁末賓真是

聖朝無棄物白頭更換錦袍新

秋高幕府繞天香五色雲開貢士堂佳讌忝加筵
一豆雅歌重繹樂三章禮先鄉黨容相接拜後兒

孫許共將從此餘齡蒙護惜百年優沐

聖恩長

招耕感賦

七律四首

錢 堦

廿年薄宦老黔疆
回首烽烟意尚愴
慚頌盤州民
給足敢嗤荔水俗
強梁鴻磬到處心如結
蓬轉何堪鬢欲霜
却愧過情賢宰輔
謬將疎拙勵循良

濟火恭勤世澤綿
膏腴闢盡裔孫田
奈從驛啟奢

香路

奢香明女士
司志有列傳

便伏兵爭普夥年

普夥夷僞大會也每以論

功賞罰
起兵

戰復牛場消劫運

牛場復平
境漸清

春明鳳嶺繞

祥烟州中主山閭閻庶富今何在莽莽荒榛亂陌

吁

東撫還鄉擬合威關心城郭認依稀亟分表海粟
千挽來墾平陽草四圍蜀地烟村民漸徙黔山秋
獲稻增肥最難列憲同慈愛一舉能教眾善歸

百年治亂逐興衰忍視千塍盡草萊荷鍤纔欣男
婦聚分疆畧劃漢夷開農桑計足須風教志乘書
成任取裁坐聽田歌慙俗吏願歡民物共春臺

夏日遊牛王洞

五古

申雲根

巖懸石欲墮怪石抱千章藤垂倒挂壁山鳥時一
翔徑仄入窈窕側立意傍徨足力正苦憊幽曠露
石堂疑是鬼斧闢時代終渺茫炎夏不知暑謾謾
松風涼洞開一門入曲折歷迴廊崖頂透一穴仰
視小天光石齒互吞嚙滴溜聲琅琅四壁竅玲瓏
儼然七寶裝下穿穴深隘暗水流湯湯險奧不可
入疑有神仙藏逼視氣陰森惕人毛髮張老僧喜
款客導我入曲房汲水煮佳茗甘冽有餘芳殷勤
說往事曾此避紅羊賊來不敢犯安居卽仙鄉村

民感神貺祠宇建煌煌人世有治亂洞天日月長
坐久忽忘去風吹栢子香

圭峰題壁

五古

易鳳廷

盤石山一卷朋石起雲烟山不在高者奈何吏非
仙公餘偶遊玩小坐止山巔默默有所思此意殊
纏綿兩大靈秀氣孕育太極圓放之走六合彌漫
坤與乾用乃歛形質有石其斯扁我向山靈問山
靈爲我宣山險巨靈擘山大祖龍鞭譬諸英雄輩
轟烈欲擎天出山制則破太璞已不全何如果而

確得失我自權特立風塵裡幾曾受人憐君不見
袖中東海石賞到東坡賢又不見州廨呼石丈僕
僕拜米顛君骨如石傲君心如山堅那肯作熱宦
思之爛熱焉與君共砥礪匆匆過三年領略熱腸
外方識靜者緣聞子言大悟願與子周旋我欲移
子去愚公術不傳我不聘子去買山囊無錢無已
長揖與子別臨別贈一篇大書留蘇字其然豈其

然

題圭峰七絕二章

黃紹先

古木陰濃蔭曲池
年年春雨長孫枝
簿書暇日亭中坐
正是風來兩袖時

煙村繞郭稻梁肥
夕照殷紅接翠微
四望雲山誰作主
一花一葉總生機

夏月一覽亭夜飲

黃秉禮

偶消長夏且飛觴
俛仰峰頭坐晚涼
蜿蜒籐簳梢微露
月龍鱗樹老欲生霜
近觀池水心都靜
醉卧花陰夢亦香
一覽亭前閒指點
滿城佳氣鬱蒼蒼

圭峰新培四景

觀音巖

黃紹先

巖在州署後山上有洞如箕大圓光似鏡因祀觀音其中兩旁并種竹松芭蕉及觀音蓮數種以點綴之濃陰掩映紅日不侵每遇天旱求雨其靈應蓋如響云

巖前佛放大光明一滴楊枝露更清願得慈航能假我好從苦海渡蒼生

瑞紅亭

譔顯模

廣寒新染桂花香又報紅綾賜餅忙容易一年雙信捷山靈曾此兆殊祥

其二

龍鱗倚石幾經年華蓋高撐萬笏巔見說秋來紅
滿樹朱霞天半瑞圖圓

一勺泉

圭峰山半有泉自石間出浙瀝如簷溜不絕掘其下得石甕若斗大引泉注之澄清

如鏡經夏不涸取以煮茗味尤甘芳可人因題曰一勺泉

黃紹先

石邊流水話知音雅韻天然閱道琴差幸塵埃無
處著清泉一勺鑿臣心

小洞天

圭峰左側峭壁森然上有洞精潔如斗寬二尺許深倍之兩旁玲瓏萬竅爲獅爲象

爲瓔珞路爲寶蓋不一而足後通一綫天光射入雲蘿嵐翠中時有烟霞吞吐蓋天然石室也因題小洞天額

於石上

申雲根

石竅玲瓏小洞幽，頭如圓鏡挂峰頭。千層嵐氣空中吐，一綫天光穴底收。樹密喜無斜日透，巖深時有斷雲留。牟珠未必能逾此，瑤草琪花愜勝遊。

招降李大斗歌

爲彭懋齋作事載本志

諶顯模

天地大德曰生人，轉移片刻物回春。仁人之言其利溥，我今樂爲寫其真。讀書曾讀典，與墳求名不求詩。與文隻手待將天，河挽豪氣萬丈干青雲。

毅皇御極某年月，北鄙揭竿恣搶揆。大斗渠魁小斗從，狐

狸爲巢兔爲窟。梁公都督段公守，招之不來擊不

走中宵謀者縋城回云小孟嘗

彭君別號

其俯首緣林

豪傑願聞詩梁上君子畏人知果然誠至則物動

一紙賢於十萬師筆公正氣折契丹令公單騎降

回紇書生何敢望元臣忠信篤敬行蠻貊不折一

矢不絕絃三寸之舌熄狼煙杯酒猶溫兵禍解下

風羅拜馬頭圓見說一言敵胆寒投誠宇下願披

肝昨宵負嶠南山虎今日從軍絳幘官孔曰君子

成人美感激許身先許死一般馬革裹尸還伏誅

殉節天淵矣眼前生意滿襟懷東風一路野花開

賊出水火民衽席一體蒼穹栽者培英雄何必重
勞績從此聲名遠洋溢堂上宰官識滅明鄉村婦
孺知君實持管欲書先生勲不徒運策與登陴談
兵欲問先生勇不在斬將與搴旗先生之衷民如
傷先生之風山水長綠樹成林滿枝子生生厚澤
在維桑

余居撫署之西齋有桑一株生而合抱形狀奇古
殆數百年物也賦此記之

丁文誠

濟南撫署多古桑西齋一樹尤稱良託根石隙稟

清剛不沾泥潤承天漿萌芽合抱及遠揚分條布
葉覆坳塘虬枝紛攫似龍翔勁節環屈同翠張皮
皴折裂色黝蒼時有戴勝鳴頡頏閱世那知幾星
霜不礙當路故無妨世人覓材重棟樑拳曲難中
繩墨量三月春陰執懿筐宛如桃李成蹊行蠶絲
載績人輒忙衣被萬家亦尋常俗如俗見無青黃
奇材幾許甘埋藏吾聞惟南有箕星茫茫此樹上
應多輝光又聞日出之地名扶桑此樹東向分朝
陽故能挺特殊眾芳數百年後獨軒昂我住斯地

十載將日對古木心徬徨愧非士衡能文章大攄
鬱抱言之長一爲畸峻破荒涼

省齋墨律十二韻

張 鉞

風簷辛苦慨多年應試文章悟後禪三句擒題爲
得窾八行中式在爭先立胎易覺文聯貫得間須
將題究研遠覓源頭高處落竒爭險要縫中詮謀
篇在股非紛若領句爲綱貴卓然體勢怕平宜振
起機神要活莫拘牽行間化板疎兼密動處多姿
潤且圓議論驚人由警策元魁制勝在精堅看來

意確詞尤雋讀去氣高色更鮮向後精神嚴結束
通身力量激中邊句關影響都刪去字涉平庸卽
竄焉會得同中仍有異金鍼不負昔人傳

平遠竹枝詞

謝鍾嶽

昔傳比喇屬蠻方今日蠻方是化疆案有詩書庭
有禮家家弦誦凜王章

溪山深處有人耕擊鼓插秧聽好聲鑿井芸田忘
帝力熙來攘往唱歌行

圖繪幽風畫不如家家紡織四更初良宵軋軋機

聲永趁好篝燈夜讀書

風土依稀異昔時
篝苗洞狃那能知
短禪窄袖花蠻女
竹笛簫笙到處隨

野老杖藜山徑間
兒童吹笛晚風前
要知牧豎間中趣
不脫蓑衣伴月眠

竹外桃花三兩枝
正是人家祭祀時
銅鼓迎神歌一曲
村村都賽竹王詞

水繞山環是此鄉
問名真不愧平陽
北騰文浪鍾靈久
嶺上曾聞有鳳凰

平定州志卷之八
十三
遠尋鹿跡到山隈常伴竹鷄戴月回
犴鳥蠻花傳不盡和羹亦自有楊梅

山州風雨比中州異域殊方迴不侔
若使當年勤採俗也隨擊壤頌歌謳

遊東山五古

藍錫嘉

步出城東門朋輩偕三兩林木最陰森
樓閣甚宏敞到此攝衣登石磴縈紆上
老衲坐盤趺蒼顏有頤養益景羅竹松
佛地自寬廣金碧何輝煌開窗天晃朗
城郭簷下看人民競來往更上一重山石

龍作屏障蒼蘚若鱗甲。蜿蜒具活相。山花映巖泉。
儘可供玩賞。上有文昌星。吾輩當瞻仰。拂面好風
吹。早入非非想。登高試一呼。餘音振林莽。薄暮下
山來。猶聞鐘磬響。歸家細尋繹。歷歷應不爽。

從軍紀事

附小引

彭壽椿

我生不辰時。值旁午。列當道。屢垂青。盼軍務。糧務
多。與其間。身親目覩。隱念事變。所由生。亂機。所由
息。無非因人。心爲起伏。至釀禍。已成而後。謀攻守
之策。籌措之方。是則勢有必然。決不可緩。然而未

平遠州志 卷之八
十四
矣感於所遇誌之楮墨聊以自警至聲韻之從律
體式之適宜本所未究非敢論也

鼓聲響罷正三更聞道羣妖胆已驚大雨時行資
戰策偏師制勝見奇英跳梁小醜俱逃遁被脅愚
夫早獻誠軍法攻瑕先小寇挽回造化福蒼生

軍書報到走連宵一夜風聲雜鬼號野寺無僧鐘
絕響孤村斷火柴難燒流民圖在巖腰掛餓殍尸
隨潦水消更有飢寒兼外患神仙硯外賊如茅

民我同胞物我懷忍教蹂躪不安排三更夜雨催

軍急一路哭聲動地來豈是天心難悔禍總由人
事易招灾富貪貧困貧生怨怨氣冲宵釀禍胎

孤城受困歲經三晝夜登陴憊不堪保障全憑都
督府折衝頗仗眾兒男糧絕旬日飢猶壯命喪沙
場苦作甘最愛勤勞賢令尹敵樓夜夜共兵談

最難安置是貧丁笠屐巡棚夜五更忍使飢寒櫻
賊刃權分菽粟慰民情饗殮有繼勤攻守俯仰無
憂樂戰爭爲問金湯何以固由來定難在均平

讀罷軍書便著鞭君恩師誼兩相全疆場捨已酬

李漢少正 卷之八 十五
知已危急身先自
士先生死關頭爭去就
忠奸界限判人天
老鴉石畔一腔血
婦孺含悲哭令賢

兵從天降地迴春
細柳營開壁壘新
令似秋霜多凜烈
性同愛日最慈仁
裘輕帶緩三軍肅
賞信罰明五令申
鶴俸慨捐天塹鑿
萬年恩澤被吾民

冤沉赤水將星昏
士庶空餘兩淚痕
保我災黎嚴將令
致他奸黨肆讒言
宋戕道濟長城壞
楚殺得臣敵勢尊
功罪屈伸天鑒在
豐碑千載至公存

動招奇禍是文章
學冠三才竟取亡
繡虎心裁全

局顧金龍手刃半途戕小民盛德心中感大帥深
謀笑裏藏隔歲循環天道顯頭懸大白正 王綱
絃歌不斷守危城禮樂詩書化甲兵君子六千成
勁旅親軍一隊肅宵征居中擘畫權多寡禦外爭

先効死生急迫萬分猶踴躍武成經義早詳明

孤城賊眾勢難支効死一言萬古師不論尊卑肅
體統惟將恩信動良知褒多益寡同甘苦濟困扶
危其解推霜堰塘前賊擁處忠貞神感暗扶持
無端碩鼠據城巔妖焰披猖一炬然守堞團丁力

已盡衝鋒健卒勇爭先從容制敵兵通妙因應臨

機變有權績進各門忠義士夾攻三面賊顛連

髮匪竄平周鎮軍學往追及城垣賊繞道遁駐軍
南關外將弁多誅求士民苦之其幕友薛冠三言
于鎮軍嚴禁得免差官劉金龍徇之懇于總統
欽差田興恕不察遽調冠三進省即以金龍監行
半途遇害鎮軍亦以是受傷不得辨追賊至畢節
憤攻賊營入第三重柵中暗兵死之

勇安土司紹緒陣亡

劉榮枝

水西羣醜竄平疆渡口分防獨力當

堵禦北路一帶河口鄰

境提戈伸大義

助剿落別

醉鄉拋角卧沙場

君嗜酒聞將戰先持

牛角酒器一飲酣戰

恩膏屢受忠臣報

嘉慶二年苗變方祖帶勇助剿事平

世襲守備職銜婦孺咸知會譽揚客歲我邦深倚重酬君

灑淚奠三觴

兩學師及紳耆郊迎哭奠

步李根石夫子輓安土司元韻

劉榮枝

肉食何人可與謀惟君異地視同仇千秋濟火奇
男子又見英雄出類首

鄰疆忍使肆心劉叔子雍容整帶裘壯氣一腔衝
碧漢拚教血向戰場流

烈性從無悔斷頭來生定許去封侯同聲一哭長
披壞此後何人借箸籌

裏華尸來早速郵巍巍封樹碧山邱名題忠義坊

千古表率人看大路由

周竹樓公祖建忠義坊於大路書紹緒名

皇上御極之二年丙子秋余秉節山左十有三年矣其
間五值鄉試四度監臨入闈之日一雁翩然集龍
門下儀容皎潔飲啄自如凡九晝夜而去意以爲
多士兆鴻臚之禱且爲

國家鳴盛世之音賦此誌慶

丁文誠

翩然雲雁集堂前伴入棘闈恰九天應侯而來占
利用順風若遇定高騫鶴鴻隊裡臚傳一鷺鶴軍

中陣掃千本是

聖朝文運溥羽書從此淨烽烟

五度秋闈閱四科好音又聽鹿鳴歌舊時風氣經
移易新樣文章費揣摩厯下人才今日勝濟南賢
士古來多龍門我亦曾燒尾辜負功名奈老何

光緒庚辰閱伍川東有感

丁文誠

一封疏上達楓宸時勢艱難任苦辛鎮日簡書從

北至

時余方請闕未幾法越

旨出

使星節鉞正東巡征袍尚

帶風霜古奪錦遙傳雨露新玉尺更邀天眷寵

平遠少志 卷之八
適禮閣揭曉季子壽鶴幸蒞
南宮尋奉 旨兼署督學篆

恩光萬里被疆臣

木天雜詠

癸巳分房作

諶厚光

丙戌翰林

十載間曹愧爽鳩一帆風順到瀛洲錦城典試承

溫語

金殿殊恩拜纂修

辛卯典試西川入都後
尋蒙 恩賞武英殿纂修

修校士分闈叨驥尾拔人一字屬龍頭

癸巳會元
出於門下

春明兩次同衡鑒渥荷

皇仁體恤周

留別雲中士民

諶厚光

蒞守雲中四載餘功名事業願都虛駑驅漫詡矜
長駕燕睇聊欣有敝廬椿樹萱花經久別梓鄉竹

報懷多疏歸裝檢點心還追鶴髮鬢正倚闌
士民依戀暗神傷爲賦白駒第四章感爾多情思
借寇慚余無治可希黃詩書致用須明澈衣食謀
生勿怠荒臨別贈言君記取重來猶得語甘棠

圭峰笏峙

五言排律

諶金壽

笏勢亭亭立登臨直上天披襟乘石磴曳杖步層
巔圖畫開三面朝圭聳一拳丹岨環署後碧嶂落
峰前客去携琴鶴人來繫紙鷲杏花香滿苑桃杏
話開筵雲路纔攀葛天池又采蓮草亭朝聚燕槐

院畫鳴蟬浪汲龍門雨清流嶰并泉谷風吹客思
山月照人圓蘚徑重封古松濤萬壑連塢梅添早
雪園竹浸寒煙樹長千年老花開四季鮮往來無
俗吏培養有名賢勝地遨遊編詩人姓字鏤豫游
歌夏諺萬井樂豐年

咸同以降烽烟擾攘登陴一望目擊心傷賦此誌
慨得七言律二首

謹厚賢

田園到處盡荒蕪億萬災黎痛剝膚山谷燐燐惟
嘯鬼村墟瑟瑟但啼烏零星偶見人歸砌厲氣長

驅草在途刺有多情殘夜月寒城高接一輪孤
淒風冷雨助噓唏城郭蕭條景物非幾縷炊烟曲
巷斷三更燈火隔河稀禪堂有佛邀新月荒署無
人掛落暉安得頻來賢刺史百年休養待民肥

二
三
四
五
六
七
八
九
十

十一



平遠州續志卷之八

雜記

康熙五十八年懷忠里蛇場周正孝親嗜善先家
貧後漸豐裕新造屋未蓋羣鴉啣草爲之覆喜噪
終日始散後子孫繁盛咸以爲純孝之報云

鄭國書字子牧又字子毋或以爲廣順人或以爲
畢節人又或謂爲江南人未定言多奇驗寄平遠
學藉蓋明代逸民畏禍薙髮應試又托於養生之
術以自晦者也康熙五年應鄉試不第或作悵悵

歌謠之曰悵悵還悵悵神仙遺榜上清鎮任衡作
詩釋之曰須逢玉錄方通譜不遇洪崖肯拍肩莫
爲神仙歌悵悵孫山之內盡時賢貴陽記大定記
俱載其異蹟甚多一日寄書城中交舊曰余病草
也願一晤瞑目及眾畢集則談笑殊無病容及夕
而卒矣後有人過於滇南及京師等處殆明張三
風之流亞歟人以其語多奇誕也人呼爲鄭瘋子
州東三十里有葡萄井遇天氣清明井中仿佛有
數十顆葡萄移時始散里人名之曰葡萄井

東山寺爲州名勝樓閣回環樹木叢雜旁有一洞
時有雲氣拂拂從洞中出寺有古鐘其聲清越卽
八景之一所謂東寺晚鐘是矣前人題詠頗多兵
燹後樓閣半燬古鐘棄榛莽中苔蘚剝蝕擊之不
復有聲前趙達菴軍門駐軍於此岩巔曾題刻佩
劍披雲四字筆畫頗蒼老都濡申雲根有詩云峭
壁挿天闔山腰破寺存冷雲填洞口滴溜瀉松根
鐘古苔侵字祠荒佛臥門當年名將帥遺墨剩題
痕紀其實也

比喇古城者蓋崇禎四年土目化沙卧這相構禍
各納土請設流官時所築也時朱燮元爲總督受
其地設爲十二州使副將方國安鎮之築三石城
比喇與焉

國朝康熙間安坤謀叛礙於城豫墮之故僅存遺址或
曰唐明宗天成二年昆明大鬼主羅甸王普露靜
王九部落各遣使附牂柯以來見九部落一爲東
山部落即今平遠州也州有東山山側尙有古城
今併無其址矣備存之以俟考

郭仙人不知何名也亦不詳其里居嘉慶間卓錫平遠結茅於西山之麓晝則狂歌於市語誦誦不可聽兒童爭效之久而成詠其詞云東山西靈

恩科舉人三十年一翰林羣呼之爲郭瘋子其識者以仙人尊稱焉居年餘乃去旣道光丙戌謔太史葆初以庶常授檢討越咸豐癸丑丁文誠公亦以館選予編修及光緒庚辰癸未兩科丁子美部郎謫益洲趙竹菴兩大令先後成進士稽三十年之數其參差皆不逾一二歲者仙人蓋神于青囊

之術而有前知者歟後人因其地爲廟名其山爲
西靈山州東附郭又有隆興寺駕三潭之上而立
祠道光初有僧軼其名俗猶以三師呼之精岐黃
術卽後國草數種爲藥有喉疾瘡毒者求之無不
立應其徒松軒流蕩不羈鮮生計傳其術得謀食
以終生蓋技有異授也臨易簣遺言于徒曰我圓
寂後不數年有善士重修此廟寄語于渠不必諏
吉也吾已爲擇之且有所贈于首善者言訖而逝
已而董事果謀改建遷神座于他所見木函焉啟

視之一書一劍書載建造年月甚悉首即遷座之日因知其劍爲首善者之贈也里人至今傳其靈異云

平邑南林寺古廟也國初有僧來遊自云字遯峰出其橐有經卷樂器數事因於寺演說佛法眾尊其道推爲方丈王邑之有西教始此由是名動當道郡守阮總戎劉行香謁廟事畢退休經壇見案上珠光瑩然取而視焉劉若有所憶顧問爲何人物羣以遯峰對命召之不出就禪房通謁及見則

都門舊相識也詰遜荒之由默無語一茶辭出時
方度地懇荒者受田於公兩署共謀以州南德陽
官莊田入爲香積費案具鑽石誌顛末始悉遯峰
乃勝朝科甲傷明鼎革逃名遠引則溪削髮比喇
披緇西山薇蕨之意也二公之舉殆亦借奉佛以
成其志歟

王耀化起塲周氏僕也性誠慤主人源吉厚遇之
主人病歿身後無餘貲耀乞于族黨以爲葬具遺
孤甫四齡自傭其力以食之七歲奉以入義學受
讀朝送夕迎無少間至老其主僕猶相依爲命云
又大虎塲義僕楊金爲黃氏世僕賊入其室主人
家相爲所害子庶卓赴救亦死金聞之操杖而前
殊死鬪賊惡甚羣聚而醢之

卷之六

跋

志者家也天地人物事功多不載
之於志蓋所以昭名實示觀法
風教致治之原也平邑為古以喇
地歷代文籍略多不詳

國朝版圖忒廓隸於中土衣冠文物
寢以昭明自康熙初郡守邱公采

而輯之歷徑修纂至道光末徐公
碩氏刺史在任成書其由是而後
紅羊換劫世事屢遷四十年間
軍書浩汗較前之陳法是武者
實倍蓰焉公今者之修尤所急也
同佐向鈞公伯雅復修未竣工辭位
去之書同又有年蓋纂丁亥刺史

越生公祖來轅是邦甫下車接
見紳耆詢問政事以是為先
務蓋簪笏之內多傳政要俾民
咸俗善播之聲也戊子秋延
古嬰申石集考盧屬正子而
顯得此列考自維設泮學疎
器之獲命惟刻史指授於前

海晏子淫而斃，義之不揚，國
隨寇，孫鉉、樂聊佐之，物之
感，名以副。

剽史，於原立治之，猶意云。

光緒十有六年歲次庚寅
孟夏月，何人，謹顯模跋。



